

Persatuan Bahasa Melayu sekolah anda telah mengadakan lawatan sambil belajar ke Dewan Bahasa dan Pustaka, Kuala Lumpur. Anda sebagai setiausaha persatuan itu dikehendaki menulis satu laporan lengkap tentang lawatan itu.

Baca maklumat yang diberikan, kemudian nomborkan maklumat tersebut mengikut urutan yang betul sama ada 1, 2, 3, atau 4.

PENDAHULUAN

Objektif program ini adalah untuk mengetahui fungsi penubuhan DBP, buku-buku berkualiti keluaran dDBP, serta mengetahui cara-cara buku diterbitkan.	
Program yang diadakan pada hari Sabtu 13 Jun 2020 disertai oleh dua orang uru penasihat dan ahli-ahli persatuan.	
Pada minggu lepas, Persatuan Bahasa Melayu SMK Kebangsaan Engku Hussin, Semenyih Selangor telah mengadakan lawatan sambil belajar ke Dewan Bahasa dan Pustaka (DBP).	

ISI PERTAMA

Pada pukul 8.00 pagi, semua peserta berkumpul di kawasan perhimpunan sekolah selepas selesai sarapan di kantin sekolah.	
Sebelum bertolak, Cik Zaida memberi sedikit taklimat dan mengingatkan semua peserta supaya menjaga disiplin agar tidak mencemarkan nama baik sekolah.	
Sarapan pagi disediakan oleh pihak sekolah secara percuma kepada semua peserta.	
Kami bertolak pada pukul 8.30 pagi dengan menaiki sebuah bas sekolah yang disewa khas oleh pihak sekolah.	

ISI KEDUA

Kami juga diberi taklimat ringkas tentang bahagian-bahagian yang akan kami lawati.	
Kemudian kami dibawa ke dewan untuk mendengar sedikit penerangan tentang sejarah penubuhan dan tujuan penubuhan DBP.	
Kami sampai ke destinasi agak lambat daripada jangkaan awal, iaitu pada pukul 9.30 pagi kerana jalan ke Kuala Lumpur pada hari minggu agak sesak.	
Ketibaan kami disambut dengan mesra oleh Pegawai Perhubungan Awam Dewan Bahasa dan Pustaka.	



ISI KETIGA

Selain itu, kami juga berpeluang mengenali majalah-majalah ilmiah seperti Dewan Siswa, Dewan Masyarakat, Kosmik, Pelita Bahasa dan Dewan Pelajar.	
Semasa di bilik ini, kami berpeluang melihat pelbagai jenis buku yang dikeluarkan oleh pihak DBP sama ada buku baharu atau buku lama.	
Pada pukul 10.30 pagi, kami dibawa melawat bilik pameran.	
Pegawai yang mengiring, kami menyatakan bahawa setiap majalah yang diterbitkan mempunyai fungsi dan matlamat yang sama, iaitu untuk memupuk minat membaca dalam kalangan murid serta mendedahkan murid kepada pengetahuan am.	

ISI KEEMPAT

Kami juga dapat melihat dengan jelas cara buku-buku itu disusun dan dijilid.	
Setelah satu jam berada di dalam bilik pameran, kami dibawa pula ke bahagian pencetakan.	
Di bahagian ini, kerja-kerja mencetak buku dijalankan.	
Kami perhatikan buku-buku dicetak dengan begitu pantas menggunakan alatan canggih, teknik yang sistematik serta dikendalikan oleh pekerja yang mahir dan cekap.	

ISI KELIMA

Kemudian kami dibenarkan ke koperasi DBP bagi membeli buku dan barangan lain yang dijual di situ. Guru penasihat menggalakkan kami membeli majalah ilmiah supaya dapat menambahkan pengetahuan tentang isi-isi penting untuk membuat karangan.	
Setiap pembelian yang dibuat, diberi potongan harga yang cukup lumayan kepada kami. Kami sangat berpuas hati dengan layanan daripada pihak DBP. Kami pulang tepat jam 2.00 petang selepas selesai solat zohor berjemaah.	

